

direxit auctoritati. Nisi forte notaria manus verba syllabas<sup>a</sup> vel literas inmutasset. 798  
 Quod saepe evenire solet non solum Latinis, sed etiam Aegyptiacis pueris; sicut in<sup>798 paullo ante Aug. 4.</sup>  
 priore cartula nostra<sup>1</sup> de saltus diminutione<sup>b</sup> per vestram devotissimam inquisitionem  
 factum esse cognovi. Et ita error scribentis quodammodo dictanti deputabitur<sup>c</sup>.

5 Sed obsecro, ut piissima bonitatis<sup>d</sup> vestrae sapientia meum magis emendare curet  
 errorem, quam scripta parvitatis meae in manus mittere reprehendentium. Sunt<sup>e</sup> enim  
 qui sibi laudem quaerunt ex alterius reprehensione<sup>2</sup>. Et haec est infirma laus et non  
 valde laudabilis. Melius est amicum emendare quam reprehendere; sapienter<sup>f</sup> se  
 ostendere<sup>g</sup> quam mordaciter alterum notare. Numquam scripsissem talia, si vestram<sup>h</sup>  
 10 bonitatem nostrae insipientiae<sup>i</sup> defensorem vel emendatorem esse non crederem<sup>k</sup>.

Quod vero de sola Martis stella modo evenit, hoc et de omnibus quinque stellis  
 errantibus in his partibus saepius solet evenire: ut diutius abscondantur, quam regularis  
 pagina veterum<sup>1</sup> decantat. Et forte non aequaliter nobis in his partibus borialibus con-  
 versantibus ortus et occasus siderum evenit, sicut illis, qui in orientalibus vel meridianis  
 15 partibus mundi morantur, ubi maxime fuere magistri, qui nobis rationes et cursus caeli  
 et stellarum ediderunt. Nam multa ex locorum diversitate, sicut vestra optime novit  
 sapientia, inmutantur. Nunc itaque, ut praediximus, vestrum servitium<sup>3</sup> satis fideliter  
 implere festinamus; deprecantes quoque domini Dei nostri clementiam, ut citius vos  
 cum honore et laude faciat reverti<sup>4</sup> subiectis<sup>n</sup> omnibus inimicis nominis domini nostri  
 20 Iesu Christi, qui te ubique regat et custodiat et victorem faciat omnium inimicorum  
 tuorum, seu visibilium seu invisibilium, quatenus cum corona gloriae multis feliciter  
 regnaturum<sup>o</sup> annis ad regnum aeternae beatitudinis pervenire cum fidelibus suis  
 concedat<sup>p</sup>.

## 150.

*Alcvinus Arnonem archiepiscopum Salisburgensem revertentem videre cupit. De suo*  
 25 *itinere exponit.* 798 paullo ante Aug. 4.

*Codd. S fol. 196'—197, S 1 fol. 107—108 (S 1\* fol. 8—8'), B fol. 77'—78'.*

*Edd. M 4, Bern. Pez Thes. anecd. II, 1, 7, F 52, J 102. — Migne col. 235.*

DILECTISSIMO PATRI AQUILAE TRANSALPINO ALBINUS MAGISTER SALUTEM.

Gaudeo, quod vel aliquam famam de vestro adventu audiui; multum cupiens  
 30 vestrae beatitudinis<sup>a</sup> faciem videre et optatam audire loquelam<sup>b</sup>; simul et de pro-  
 speritate domni apostolici<sup>5</sup> agnoscere; et quid in illis partibus gestum sit; et quomodo  
 legatio vestra vobis evenisset; et si sancti Pauli causa ad profectum fieri possit<sup>6</sup>. Haec  
 omnia per velocem nuntium mihi demandare curam obsecro habeas.

Secundum quod iter meum dispositum habeo, volente Deo die sabbati proximo,

35 <sup>a)</sup> sillabas T\*. <sup>b)</sup> deminutione K 1. <sup>c)</sup> -batur K 2. <sup>d)</sup> bonitas T\*. <sup>e)</sup> sint K 2.  
<sup>f)</sup> sapientes K 1; sabienter K 2; sapientem A 1\*. <sup>g)</sup> ostare K 2; ostentare A 1\*. <sup>h)</sup> vestrae boni-  
 tati K 1; vestra bonitate K 2. <sup>i)</sup> inscientia K 1; insciencie K 2; inscitiae A 1\*. <sup>k)</sup> Reliqua om. K, A 1\*.  
<sup>l)</sup> veterem T. <sup>n)</sup> subiectus corr. in -tis T. <sup>o)</sup> regnaturus T. <sup>p)</sup> conceuat T.

150. <sup>a)</sup> beatitudinis S. <sup>b)</sup> loquellam S, S 1.

40 <sup>1)</sup> ep. 126 supra p. 185. <sup>2)</sup> Cf. infra epp. 202. 214. <sup>3)</sup> Alcvinus delatum per Magenfredum  
 camerarium, cf. supra p. 242. <sup>4)</sup> e Saxonia. His verbis comperimus medio mense Iulio Alcvinum Caroli  
 reditum iam speravisse. <sup>5)</sup> Leonis III. <sup>6)</sup> Hoc initium si cum initio ep. 146 supra p. 235 comparatur,  
 minime obscurum est duas has epistolas praeclare inter se cohaerere.